


一日一夜遂家各於庭中造立壇場依法條  
 標吾聞鐘磬聲即下降遣左右真人王長趙  
 昇等持太上神符為汝滅絕一切鬼孽令汝  
 萬民平安汝等若不信吾秘言心生疑惑意  
 違僧嘆不知罪福因緣堪可哀憫吾苦告汝  
 等各發崇道之心急急寫造妙經設靈寶清  
 齋即當安穩恐有不生信心吾故叮嚀汝為  
 吾委曲流布庶使萬民永不遭橫天疫死今  
 告汝等符到奉行



無上天師神符朱書主弟子蒙保護合家大  
 小平善各得田蕪倍收五穀成熟六畜丁壯  
 收魔斬鬼急急如律令

無上三天法師說應育眾生妙經

卷三 十三

太上說青玄雷令法行因地妙經

仰啟青玄地雷令 長生正氣丙丁神  
 冥心皈向欽然至 赤髮青面顯威靈  
 金甲大袍晃耀日 應祈隨禱現真形  
 翊靈將軍號昭武 掌握風雷統領兵

助法救民興善利 代天行化大慈悲  
 集福消災驅疫癘 除邪輔正掃妖氛  
 勝功妙果讚無窮 稽首皈依誠奉禮

爾時太上老君於天寶元年三月十五日在  
 太清境上太清宮中陞九炁雲華之座於是  
 諸大天帝十極至真森羅星宿無數眾縹  
 緲霞霄飄飄旌節乘鸞飛輪祥光輝耀洞煥  
 十方驚嘯鳳鳴仙樂和音浮空而至咸聽  
 太上宣揚妙道大眾欣然移首皈依是時會  
 中有一真人名曰妙行功超三界行滿諸天  
 越班而出執簡奉禮長跪而言臣觀下方庚  
 辛內地蜀境之中災迭並起疫癘流行草木  
 交荒人民彫耗是故與諸眾生懷憂未已欲  
 仗慈光廣垂濟度  
 老君告妙行真人曰善哉善哉汝當復位吾

卷三 十四

為宣說蓋因金天之炁值此數極致有陰陽  
 乖錯山川鬱結土地閉塞災厲橫流民物交  
 殃吾與分光下令清淨大眾咸悅讚歎未已  
 座下天師所部神人號徽濟令長跪上白  
 法主不勞慈力臣治五嶽內之蒸岱地祇主

令溫元帥代天行化助法救民統御雷兵可  
 弭彼難其妙行真人出白天師曰不審此將  
 生何因地修何法行掌握兵機能摧災厄天  
 師告曰此將乃丙丁之精大帝之神於漢延  
 平元年三月三日化身降于平陽大儒之家  
 其聖母晝寢夢吞日光覺而有娠懷胎一十  
 三月於永初元年丁未之歲三月三日午時  
 誕于其室貌偉神清仙丰道骨左脇天符二  
 十四道兩手隱隱丙丁二字生而靈異長而  
 聰明不破天真存思終始直心崇道積行救  
 人勝緣妙果克諧圓滿是以三官保舉五雷  
 考功奏于  
 上帝至永建六年歲次辛未上丁之辰午時  
 奉  
 玉帝勅差金甲神人繡衣使者捧領

卷三 十五

昊天兵符給賜金環玉券靈簡天書詔充獄  
府統兵之職五嶽萬神之首出入朝奏無拘  
天門受勅領職永鎮嶽庭立生客於殿左登  
日立化于彼其神應化統兵助法禁勦妖巫  
馘魔斬怪度死濟生驅瘟蕩疫種種為善廣

益兆民其功於世不可思議妙行真人得聞  
是說踴躍稱嘆是時真人啓請

老君重告天師汝宜為吾速遣此將澄清斯  
境於是天師跪辭

太上遣使持符召至地祇溫主令顯現身長

九尺赤髮青面金睛獠牙口若火盆紫巾前  
結花袍束帶足躡吊墩皂靴手仗神鋒寶劍

跨追風黑駿統領

昊天兵馬雷兵嶽卒旌旗簇擁導引而來敬  
禮慈容諦聽宣奉

太上教勅領命而行大逞神威號令左右徑  
詣西蜀旬日之內平夷疫癘剪伐邪宗黃童  
白叟婦人女子自小及大由邇至遠一境之  
內咸得安業於是其神乃布星立于允位上  
指震宮而激作呪曰

離宮之靈 火德之精 丙丁正炁 赫赫陽神  
存形東嶽 統御帝兵 驅雷掣電 捲霧衝雲  
救民疾苦 斬邪滅精 時災蕩盡 景福駢臻  
百靈振伏 萬神咸欽 有召即應 聞召現形  
城隍社令 未保清寧 吾奉勅命 風火不停

是時元帥說是呪畢收兵率將回謝天師昨  
奉教命仗茲法力掃蕩蜀瘟惡皆清淨祕傳

號今靈符五嶽總印于世名曰青玄地雷誓  
願翊衛執法真士治病驅瘟剪邪皈正奉辭

而退於是天師稱讚上朝

老君言是功德流傳於世普濟群生此經在  
處當令神明擁護禍亂不萌上士遵而行之

可以宣揚正教益振真風社稷清寧人民道  
泰或遇瘟疫疾疫旱澇相仍鳥鼠送妖蛇蟲

嫁孽皈命斯經咸得災衰永釋禍難潛消或  
遇刀女生產之厄或遭水火盜寇之災或魔

鬼侵凌或邪巫魘禱若能焚香誦誦志心祈  
禱此經即得神威應時下降自然門戶興隆

生民安泰若能稽顙此經功德不可思議  
天尊說是經畢諸天仙眾稱揚讚歎皆大歡

喜信受奉行

太上說青玄雷令法行因地妙經